

OMUKUETU

N.o 3


Maart

1953



Okua li a dinua nokue eciua kaantu ajehe,
omulumentu onakuhepekua nomuvuntu,
nokua li kua fomuntu a siikilua oshipala.
no tue mu tala okua foshinima shouala.
Ihe okui itsike uuvu uetu
nomeehamo getu e ga hambata.
Otse no tue mu tala a geelua ku Kalunga
nokua hepekua nokua dengua ku Kalunga,
nando oje okua tsuaa moluomajonagulo getu
nokua njanjagulilua oondjo detu.
Okugeelua kue ehupico ljetu
no tua aludua kiilalo je.

Okua hepekua sho kui igandja je muene,
je ina makula okana ke,
ongashika okanzi taka falua ka ka dipague,
no ngashika onzi taji muenenene omukululi guajo,
ano osho noje uo ina makula okana ke.
Ihe Omuaa osho a hala e mu njanjagule
oje nokue mu tala uuvu.
Oje a gandjele mokusa omuenjo gue
nokui ijalulicile maakolokoshi,
nokua li ta hambata oondjo daantu ojendji,
nokua galikanene aajonaguli.



ONDA LI NDA FILE, NDELE TALA, ONDI
NOMUENJO FIJO ALUSHE.

Ehol. 11:18.

Ngeno Jesus ina njumuka koufi, n'eto eitavelo letu olongaho. Okunjumuka kuaje okuo mukanka u-hupifo letu. Okunjumunua kuaje otaku tu lombuele oinima ihapu inene.

Enjumuko la Jesus otali tu lombuele kutja elihokololo laje, eshi e lihokolola, manga a li mounjuni ou, ola tua. „Ame oikulia jokomuenjo”. „Ame omufita muua”. „Ame oujelele uounjuni.” „Ame ondjila, noshili nomuenjo”. „Eje na Tate vamue.” „Onde uja okuhupifa ovo va kana”. Apa tu he na nokuli ontele, tu uanife naua elihokololo laje, ndelene okunjumunua kuaje otaku tu uudifile kutja elihokololo eli laje alishe ola tua. Ngashi Jesus Kristus e lihokolola, osho e li.

Enjumuko laje otali tu lombuele jo kutja Kalunga okua dimina oshilonga shaje shekulilo e shi uanifa komushiakano uaje. Menjumuko laje Jesus okua ninga shili oshipundi shonkenda omohonde jaje. Paife keshe omuntu ota uudifilua: „Osheshi apa kape netongolo, aveshe ve li ovalunde ndele tava hepa evadimo la Kalunga, vo ohava mono oujuki ngoshijandjua shonkenda mekulilo la ningua ku Jesus Kristus.” Keshe omuntu ota dulu okuhupifua paife omolu ohonde ja Kristus nokuitavela Jesus Kristus noku mu tambula Omuene n'Omukulili uaje.

Ndelene enjumuko la Jesus itali tu uudifile ashike edimepo lomatimba tu li kuete mohonde jaje, ndelene otali tu uudifile jo efindano. Jesus Kristus ou e tu fila ndele e tu njumukila, e he shi ashike omudimipo uomatimba etu, ndelene oje omutukuli uomuenjo mupe jo ku ovo aveshe ve mu itavela. Okua finda oulunde ope fje jo tu ninga ovafindani muje. Oje e nomuenjo, ope fje jo tu kale, tu nomuenjo muje. „Ngenge pe na ou e li mu Kristus, oje omushitua mupe; oikulu ja hula, tala, oipe ja holoka.” Eendjovo edi domujapostoli Paulus oda tua shili. Oshikuni itashi

dulu okukala momulilo itashi huama. Osho jo omuntu, ita dulu okukala mu Kristus ita dalululua. Enjumuko la Jesus otali tu pe shili eteelelo li nomuenjo. Keshe omuntu omu'urdelela muje muene, ndelene keshe omulunde ota dulu okuhupifua paife mu Kristus.

Enjumuko la Jesus otali tu uudifile jo kutja Kalunga okua ninga Jesus Omuene u'Omuenjo. Oje - Jesus - e kuete paife oipatululo jefjo momake aje. Okua njumunua, ope fje jo tu njumunue - omalutu etu jo a njumunue. „Ngashi aveshe tava file mu Adam, osho aveshe tava ningua ovanamuenjo mu Kristus, ndelene keshe tuu pontele jaje, tete Kristus ndele konima jaje ovantu vaje, je muene nge ta aluka.” Jesus Kristus - Omuene u'Omuenjo - ote tu pe eemuenjo dipe ndele omalutu mape jo a uana a pua. Jesus ota hupifa omuntu aushe.

Okunjumunua kua Jesus otaku tu uudifile jo oupopepi uaje nafje. Mokunjumuka kuaje okua ninga Immanuel, okutja Kalunga pamue nafje. Paife otu na muje omuilikaneni, ou ku li po te tu ilikanene alushe nomukuati omunaenkono, ou ta kala pamue novantu vaje efiku keshe. „Ota dulu oku va hupifa fijo alushe, ovava otava ehena ku Kalunga muje, osheshi oje ota kala alushe fijo alushe e va ilikanene.”

Ndelene otua hala okutumbula oshinima shimue natango. Okunjumunua kua Jesus otaku tu uudifile jo ouhamba uaje. Menjumuko laje Jesus okua peua eenkono daje douhamba, okua ninga Messias, ohamba ojo inene ja hunganekua nokuli kovaprofeti vom'Etestamenti Likulu. Tala Ef. 1:19-21. Paife Jesus oje omupangeli e nepangelo alishe meulu no kombada jedu. Oje oku li po ta longo nokulongifa eenkono daje douhamba „fijo ovanaita naje e va ljataulila koshi jeempadi daje.” Ota longo fijo „aishe e i shitukifa oipe,” fijo omaulu mape nedu lipe tali holoka.

„Kalunga He j'Omuene uetu Jesus Kristus na hambelelue, Je e tu dalulula keetelelo li nomuenjo monkenda jaje inene okenjumuko la Jesus Kristus koufi.”



„KEE MO, ANIUA OKUA NJUMUKA.”
Mat. 28:1-10.

Otekiste ei ojo imue jomeetekiste domungo uevangeli tai hokolola kombila ja Jesus kua li kua ningua oikumuifa. Ehokololo eli lokombila ja Jesus tali tu hafifa unene esi taku ti: „Kee mo, okua njumuka.” Cje oljelje hano? Oje Omuene Jesus, oje tuu ou a fia okua fudikua, nena taku ingidua: „Kee mo, okua njumuka.”

Ngeno inatu loloka natu taleni natango kutja sha ningua ngahelipi? - Ndi shi ovakaintu vamue ngashi va tumbulua omadina avo mu Mat. 28: 1 na palue momaevangeli, va li noshisho va fa inava kofa naua efiku tuu olo. Vamue vo muvo ndi shi ovo tuu ovo va landula Omuene Jesus fijo va tala apa a fudikua. (Mat. 27:61) Onke va li noshisho shokuuapeka ombila jOmuene Jesus, taku tiua ongula jeluua la tenda. Ndele nande va li tava ji kombila va li va tila oshirina shimue osho oudju uemanja eli la idila po ombila. (Mark. 16:3) Ndele nande ongaha ve ja nga. Ohaluka ekakamo ledu, oihuna, ovakaintu va tila, osheshi taku tiua novalumentu ovanankono va kakama nde tava kala va fa va fia. (Mat. 28:4.)

Ekakamo ola shike? Olomuengeli oje pefimbo tuu olo a kuluka nopefimbo tuu olo Omuene Jesus okua njumuka nomalaka a popiua komuengeli oja: (Mat. 28:5-7) Omalaka maua ombili, unene eshi taku ti: „Kee mo, okua njumuka.” Ovaka'ntu va li inava diinina omalombuelo a Jesus eshi e va lombuela nale, osheshi taku tiua: Va dimbuluka ne ope kombila eshi va popifua komuengeli. (Luk. 24:8.) Omuengeli e va talifa ombila apa Jesus a li a nangala. Oinima ja li ja tonjua naua tai holola Jesus okua dja mo nombili, osheshi aische ja tonjua naua. (Joh. 20:6-7.)

Ovakaintu ava va ninga ovatumua votete va tumua okuhokolola enjumuko lOmulukili, no mokuja ketumo eli Jesus muene ve mu mona te va popifa nombili: „Mua penduka?” A koleke etumo eli va ninga ovatumua va Jesus muene, va ka hokolole Jesus okua njumuka.

Ope na ovakriste vahapu ve na oshisho shokukonga Jesus, vahapu pamue va juka nokuli kombila tava kongo Jesus a fia. Puilikina omukuetu: „Kee mo, okua njumuka.” Jesus e na omuenjo. Tala naua na puilikina naua ote ku popifa: „Ua penduka?” Te ku lombuele: „no lila, ino tila, ondi na omuenjo, onda njumuka.” Paife ua hafa okelaka tuu eli lOmulukili eshi te ku popifa, ua hala oku mu nukita, ndelene Jesus ta ti: „Ahoue, ope manga.” Joh. 20:17. Ndele puilikina naua, omukuetu onukongi ua Jesus.

Ope na sha osho Jesus a haa u shi ninge noto shi dulu, osho tuu osho Jesus a hala oku ku tuma. Unene pamue a hala okutuma ovakaintu vo mufie jo, va hokolole enjumuko laje. Otekiste ei ojo inai hala tu njanjukue otie atuke, ja hala tu njanjukilue pamue noovakuetu pOmuene Jesus. Onke Jesus ta ti: „Indeni mu hokololele ovamuameme.” E ta lombuele keshe ou a mona enjanju lenjumuko, omukaintu nomulumentu, okanona nomukuluntu, ta ti: „Indeni mu tualele ovakueni elaka, ava ve li jo moluhodi no momalimbili. o (Mark. 16:7) mu tje: „Omuene kee mo mombila, oku na omuenjo.” Paife tu na Jesus omunamuenjo, osheshi ope na ava tava kengo na ango Jesus kombila ndele ua teelelua ove u va hokolole e Jesus e na omuenjo, na keshe tuu ou te mu landula oku na jo omuenjo uenjumuko, ngashi omujapstoli Paulus ta ti: „Otua njumuka pamue na Kristus irokufia”, na Jesus osho ta ti: Joh. 11:25-26. Omukriste, ove ino muenena etumo eli; inda ngaa, lombuela ovakueni. Tameka muove nomeumbo leni, momukunda ueni, meongalo leni, hokolola efio nenjumuko la Jesus, ino ti-

lal Omuene Jesus oku li puove. Mat. 28:19.

Opo mu njakukue pamue na vakueni pu Jesus: O-fieni ohatu ke mu mona ngashi e li koshipundi shefindano. Efio la findua, ombila jomukriste ja japulua i ninge ontele jokutulumukua nokutelela enjumuko lomuenjo. Elaka olo tuu eli: „Kee mo r ombila, okua njumuka,” na „Indeni mu lombuele ovamuameme.” Inda hano metumo la Jesus, Omukulili uoje, meifupipiko!

Eso lja sindua nepangelo ljal'o

Dimbo ja jonua ro nudengi uo najo.

Kuusi a jumuka 'muenjo ogue

:: Jesus ependa, esindano lje ::

Paulus Andreas.

EENKALI.

Ondi na sha kunje ovalilankali, puilikineni eshi ndi shi na no nda hala oku mu shivifila.

Efiku limue omukriste omuitaveli a hulifa ouenda uaje mu Johannesburg. Omukriste ou pokuhulifa kua-je okua ifana eumbo laje alishe, novashiinda aveshe. Eshi ve uja okua ti kuvo: „Otamua kala po naua ovamuatate mu Kristus. Nonda hala mu hafele pamue na ame, nda tumbulua mo omoshilongo shaje shijapuki. Muha njike oufije! Ndelene mu hafe, eshi nda njumukila omuenjo uaalushe.” Oje nokue va pe omake aveshe nokua ti: „Ombili nai kale nanje.”

Opo ne omulumentu ou a hulifa. Noonakulekelua ova tarneke okulila eenkali tava lili neenkono, ngashi fie jo hatu shi ningi.

Opo ne eshi nde shi tala ndi uete epuko linene, haku ava aveke, nokufie jo ovakriste ovauambo, oshihapu nomufie. Ovahapu hava hulifa noku tu pa sha shomeendjovo da Kalunga, nokudenga oluhodi. Ndelene ihatu shi ningi. Omolua shike hano ihatu kondjifa okulila nokulilila, nande tu shi shi enjumuko oko li li? Eheni, omukriste omulilankali, puilikina naua. Ou shi shi, oua shashua noua pamekua noua longua eshi szi li po meshasho no mepameko. Nou na okutia. Nge ua fila oujuuki, oto njumukile omuenjo uaalushe, ngenge ua fila oulunde, oto njumukile efio laalushe.

Eheni ondi shi shi shili nonda itavela nou shi shi shili noua itavela, kutja enjumuko lomuenjo uaalushe oko li li shili.

Nena omuanjoko nge te ku lekelele enjumuko lomuenjo uaalushe, to hovele okulila eenkali, nande ua tja ou shi shi noua itavela kutja enjumuko oko li li shili. Nena to hovele ashike: „Uo meme! Uo, tate! Uo, omukulu uange! Uo, ondenge jangel? Ua shiiva tuu eeuo doje eshi tadi ti koshipala sha Kalunga? Puilikina naua nke to ingida ngaho to lombuele Kalunga, to ti: „Uo, eshasho lijapuki lehe ko shili! Uo, epameko lehe ko shili! Uo, enjumuko lomuenjo uaalushe lehe ko shili! Uo, Kalunga ehe ko shili! Uo, omukuetu a ja komulaulu!” Osho to ti, koshipala sha Kalunga.

Ngashi ovapaani have shi ti. Ndelene ovapaani ve li mondjila inava puka, otava popi eshi ve shi shi nove shi itavela momalongo avo.

Osheshi omupaani a longua ngaha omuntu ihe lifile, ita ilua ku Kalunga. Ndele ha louua, ile ha liua kuvakuao nde ta i komulaulu.

Hano ovapaani nava lile pombada, nava keme neenkono, shaashi omuntu uavo a ja komulaulu.

Ndelene fje tua longua enjumuko nomue-

njo uaalushe mokufila meitavelo. Hano nge tave tu lekelele enjumuko lomuenjo uaalushe, natu hafe neenghono shashi meulu mu na jo ehafo nomanuko neenghuilili dinene, omapandela a jelulua pombada notava imbi tava pandula Kalunga moluomuitaveli ou a dula eenghono defjo. No kufje eenghali edi nadi kale ngaashi oshivilo shehombolo lijapuki na ehafo linene nehambelelo linene. Omufuko a fika mefiku lehon bolo.

No paitavelo to ka mona oshipala shaje shi na ehafo linene. Ove jo to ka hafifua no to ka vadimifua omolu okutalela Omukulili uoje.

E. Herman Paulus,
Johannesburg.

OILONGA JOPAMPEPO. 1952.

Meongalo lo kOndobe omua kala ovakaintu vame va kuatua kouladi uevangeli, tava tuaalele ovapaani eendjovo da Kalunga momikunda no momaumbo, noku na ovakriste va ninga ovalongi momaumbo. Ovapaani ovo va kala kokule neongalo ova mona ekuafu, va hokua eendjovo da Kalunga notave uja kongerki. Otua mona ovapaani vahapu meeskola do mOuambo; novashunimonima va penduka okuja keendjovo da Kaluga nokukonkola keongalo.

Ovakriste ovandobe momudo 1951 ova hovela okujandja oijandjiua jomudo nehala liua. Omulumentu ota jandja 4s. nomukaintu 2s. 6d. Omundobe shaa e na eedula 16, ota jandje oijandjiua jeongalo.

Omulongi umue nomukriste ve uja ku ame, va eta eenkundafana dauo ku ame tava ti: Eongalo otali ka hepa unene ovantu itave uja mo vali. Onde va ptula jo, omolua shike. Ova njamukula nge tava ti, omolua omalodu, aa taa keelulua. Onde va lombuela, Ompepo ja Kalunga oku neenkono e dule omalodu. Opo ne neudo ova kumua unene ovapaani tave uja keongalo ve nompepo jepapuduko notava efa oikunua ve dule ovakriste nokuli, shaashi epapuduko olinene mokati kovapaani, novakriste vahapu otava tila epapuduko. Ndelene, mojangaha jetu omu jadi ovapaani noshu jo meeskola detu.

Eps. 24:7-10, ola uanifua jo omudo 1952. Ohamba jefimano oja jeululilua oivelo oja ja mo meemuenjo daava ve i jeululila. Omu mOukuanjama omua holoka oilonga inene ja Kalunga inaji holoka mo nale, navali itashi dulika okuhokololua komuntu uopashitue. Mu April joneudo okudja kefiku 6 fijo 11 meongalo lo mOndobe omua ningua Obibelingundu. Fimbo Obibelingundu inaji ningua otua ninga ohungi moskola jokaumbo. Pa etua ehokololo la Aakan ou a etela oshiuana ehandu la Kalunga eshi inaa dulika. Pefimbo tuu olo Ompepo Ijapuki ja hovela oshilonga shajo meemuenjo dovalongua. Ovalongua va hovela ok lihokololela omatimba avo, vame ve tu lekela va je komaumbo va ka shunifile oinima jovantu ve i vaka po nale. Efiku linja inatu kofa omolu eihapululo lomatimba. Ndelene oshivike sha shikula omo tua hovela Obibelingundu.

Otua li tua ongala momiti, omandaha netivali ovantu va kala kave udite ko naua, ndele otundi jotete metitatu omutenja ovantu aveshe va kuatua ketilo linene lomatimba. Ompepo Ijapuki ja tompela keshe omuntu oje omunamatimba. Ovantu otava popi va fa ovajadauki mondjodi noluhodi olunene. Omafiku atatu ovantu va kala nokuhepaulula omatimba

avo nova dimbua okulja nokunua. Fijo onena eli ovantu tava hepaulula omatimba avo moshinjanga sheongalo. Ovakriste va pashuka okushiva omatimba avo, no tava hambelele Kalunga nOmukulili nOmpepo ja Kalunga.

Ompepo Ijapuki oje tu longa okujakula momaongalo aa: Okatope, Engela, Ongenga, Endola, Onguediva, Eentana, nOmundaungilo. Ndelene Ompepo Ijapuki oja longa oshilonga oshinene momaongalo omonda kala, kashi shi kuhokololua. Epangelo la Kalunga lokuhupifa ovalunde momatimba avo. Ovamangululua tava shunifa oinima jovantu kua li ve i vaka po. Ovamati tava shunifa oinima keestora va li ve i vaka kOushimba. Cmalupale omaongalo e jadi oinima kaji shi kushunifua vali koovene. Ovapapuduki va peua eenkono dipe de va shitulula okutonda oilonga jombelela.

Oshikumuiifi shinene sha longua mepapuduko osho ovakriste ava va talua nale keongalo va fa ova-keenakonashanakalunga eshi va njumunua keemuenjo davo, nova shituka ovantu ovape. Ndelene ava va talua shito ovanamuenjo, ovo tu va fia mo meitaalo.

Omuene oje a hovela naua oshilonga shaje oje ne shi hulife jo.

Vilho Kaulinge.

ESILOHENDA LJA KALUNGA MU JESUS KRISTUS ENENE.

Ongame omuntu omukueji onda adika uo kesilohenda lja Kalunga Tate mu Jesus Kristus sho kua pendje Ombepo je Ondjapuki a minikile ndje nokua hololele ndje oondjo dandje adihe doludi kehe no ku uulukile ndje nkene di nokulja ndje ngele itandi di hempululile omuheinpulucitate. No adihe otadi ninginicua mefuta ljombinzi jOnzigona ndjoka ja kuca po oondjo duujuni no dandje uo ongame nguka omuna ndjo omukueji ndi ja vule ajehe. Ngame sho nda minikilua nOmbepo Ondjapuki nokua tompele ndje uuntu uandje auhe ondjimbo ndjika 288 ja tsu naa naa mungame sho ndi itala ondi luete nde ende naa naa nondjila jekano nojeso itali hulu po.

Omuua ina hala ku kane nando gumue. Aue ajehe ja hupicue no ja mone omuenjo gualuhe omolu ombinzi je ondjapuki tue ji tilabililua okudimapo oondjo. Oondjo sho da dimua po nena enjanju ljashili nombili ja Kalunga Tate jomedimopo ljoondjo taji uudica omuenjo, nohoole ja Kalunga jomu Jesus Kristus haji tengelele momuenjo gua jogicua, gua jela gua jelicua kohoole ondjelele ja Kristus Jesus. Ohoole ndjika ja Jesus taji hingi omulongua gua Jesus a silua ohenda taji mu fala kecikilo ljaana ja Kalunga.

Omainjengo ngaka agehe go momagano omakuagulu gomohenda ja Kalunga katatukamue taga fulukicile omuenjo guandje omahambelelo. Eps. 103:1-22.

Eeno, omusilua henda omukuetu, u uvite tuu omaganohenda ue ga peua shoka taga ti? (Mat. 25:14-30) Ino ipungulila omaganohenda gOmua.

Nangoje ngoka ino taamba ohenda jOmua one- ne ji cike mpa: Pulakena, to icanua. Ondjimbo 263.

Kondja ekondjo euanaua ljeitaalo, dama omuenjo gualuhe.

Soini Nuujoma.

Moshilongo sha Colombia mu Suid-Amerika omagongalo gaajevangeli ga ningi esiku taga tidaganua. Oongerki 22 da hanagulua po, omagumbo gauo ga jugua iinima jomugo. Jamue ja dengua, oojakuauo ja dipagua. Okuza kuomumvo 1947 aasita aajevangeli jahetatu ja dipagua. Ooskola daajevangeli da edililua po. Aakuluntu jaanona taa ciminikua ja shashululice aanona jauo ja ninge aakatoli. Aajevangeli kaje na nando omupopili nando ja ningilue shaa shoka. Eeno, oje na ngaa Omupopili, oKalunga. Natu kuge onkugo kuje e ja kuace ja mone oonkondo dokuenda nondjila jaa-hokololambinzi jaa idimbike Jesus.

(Pa „Bibel und Gebet“ na „Kotimaa“)

EFUNDJA LJEPAPUDUKO.

tali tondokele mu Afrika alihe. Mu Kongo mua kala omapapuduko omanene nosho uo mu Etiopia, kutja mu Abessinia ljongashingeji, na palue uo. Omumvogu mu Etiopia aantu je cike p' 20 000 oji itedulula, ja ningi aakriste. Aakriste aajevangeli je li ko nokuli 60 000. Omukesari muene ta gamene oshilonga she-tumo. Sho kua li mu London pecimbo ljiita mbjo iinene, okua ada ko omusuomi gumue nokue mu icana e je moshilongo she okuuvica evangeli nokupukulula uo miilonga jepja. Omusuomi ngu, edina lje Mattsson, a ningi ko nokuli omumvo gumue, na ngashingeji ku Suomi taku zi aatumua jatatu taa ke mu jakula. Ongulu jetumo taji tungilua moshilando shepangelo, mu Addis - Abeba.

EKAKAMO LJEVI.

Mu Februarie gua ji evi lja kakama noonkondo pefuta lja Kaspia li li pokati ka Europa na Asia, kuumbugantu ua Rusia. Oshilando shimue sha jonuka po sheke, naantu je cike pejuvi limue ja sile mo.

IIGONGI IINENE JAAKRISTE MU INDIA.

Pehulilo ljomumvo gua ji mu India mua ningua oshigongi oshinene shaakriste aagundjuka jomuujuni auhe. Oja gongala ko ojendji jomomavi gi ili no gi ili no ja ningi ko iiviike iijaali omoshigongi shauo.

Momuedi tuu ngoka, mu Desember, mu India mua danua uo oshituci oshinene shenjanju, oshoka pua piti omimvo di cike po 1900 okuza kecimbo omujapostoli Tomas e ja ku India okueta elaka etoje ljhupico. Aakriste aajindia no jokuujuni auhe, okomaludi gi ili no gi ili, ja li ja gongalele ko.

Omagongalelo ga tja ngaaka tage tu dimbuluca ongundu ndjo onene jaasindani Johannes e ji mono ja njenge okujalulua ojomiiguana ajihe ja zala oonguo oontokele to no je nomajaale miikaha jauo. (Ehol. 79)

Oongerki jaasumi taji tumu omubisofi, okutalela po ongerki jaaambo.

Aasitagongalo aakuluntu - aabisofi - joku Suomi oja ningi oshigongi shauo no ja trkola ihe gumue guomujo ne je okutalela po omagongalo getu gomO-uambo, Kalunga ngele te shi zimine. Omutumua gauo omubisofi Martti Simojoki. Kolutu oje omuleleka, ihe komuenjo omufupilela, nando a longua oondunge odindji shili, okua li nale omulongi moskola jokombanda nokuli. Taje ja nomuulikitumo Tuure Vapaavuori. Ihe pamue itaa mono ompito jokuja manga numumvo, ihe omumvo tagu ja. Tu li po tatu njanjukilua etalelopo ndika. Kalunga na kandule po omaimbo agehe!

UUNKOLUE OTAU ETA OSHIFONGA.

Sakaria Mbundu, Swakopmund, ota hokolola: Mu Swakopmund omua li omuntu gumue onkolui. Esiku limue sho a nu nokua kolua, okua ji komuhona gue nokue mu indile oshihauto a ze po nasho. Sho a mono epitikilo, okua icana oojakuauo ajehe noja ji ja ka pashijone. Mondjila oshihauto sha kandoma naantu ja mono oshiponga unene.

Paulus Petrus, Oshijagaja, ota ti: Uunkolue otau eta oshiponga. Omulumentu gumue sho a li a kolua, okua ji sigo mefuta nokua toolua kee shiuike kutja a guile mo ecimbo lini.

Thomas Nalupe, Orangemund, ota ti: Esiku limue lolu jokufala aantu kiilongo niilongo oja li ja humbata aantu. Mondjila oja ada mo oongombe 16, oja noja matuka kombanda jado. Adihe da njanjagulua uusila uouala. Inapu mona nando omuntu oshiponga. Oshilonga shika osha longua omolu uunkolue. Iikolica ngele ju uda montulojomuntu, nena omuntu ke na shoka itaa hala okuninga. Iiponga ojindji oja holoka omolu uunkolue. Omukuetu, otashi kukua-ca shike okulanda po omuenjo guoje muunkolue? Onkolui itaa ka cigulula oshilongo sha Kalunga. Oua hala okucigulula uunkolue nenge oshilongo sha Kalunga?

KRISTUS OKU NA KO NA SA NAVE.

Mu Grootfontein omua kala omunaudu, a vela oule ueedula ne. Esi oudu ue mu hepeka neenghono, okua indila ovapangi ve mu dipae. Enjamukulo ola ti: „Omudipai uoje o Kalunga ou e ku sita, hafje tu noku ku dipaa.“ Omukuetu nenge hatu hangika efiku limue, tua fa tua fiua po kovanhu avese, natu linekele ngasi omupsalmi ta ti: „Jehova oje omufita uange.“ Puikina ove u nomufita muua, omufita a hala oku ku endifa nondjila ja juka.

Efiku limue omufita e nokuehameka ongobe aje nondibo, opo ji aluke, jiha je momuulu. Esi to hangika koudu unene, oo ondibo jomufita omukulu-nhu. Opo u dimbulule nkene Omuene a hala oku ku lifa naua. Oudu uoje ou tau ku ehameke oo edidiliko kutja, oje te ku file osiso, Jesus Kristus e na ko na sa nave.

Mu kongu nande ou na oudu uokomuenjo no uokolutu. Mu kongu fimbo pe nefimbo liua e ku velule koudu uoje.

A. L. Namueja.

Ava tava diinine, otava peua kanini.

Omuhona a kumua unene, okue tu kumaida a ti: Oshilonga shohole osha pumba mounjuni ou. Osho ne ovandobe ova hulifa meudafano lavo.

Vilho Kaulinge.

EGALIKANO LJA FRANSISKUS.

Omuua, ninga ndje oshilongico shombili joje Mpoka pe nuutondue, ndi uape okueta ohoole, muupukile edimoljoondjo moontamanana euuvacano, miifundja oshili, melimbililo eitaalo, mokuaanetegameno etegameno, momilema uujelele uoje, moluhodi enjanju ljoje.

Omumestari, kuaca ndje ndaa ihalele efudico ihe ndi talileke oojakueta, ndaa ciminike aantu oku-uuva ndje, ihe ndi jelekele oku-uuva oojakueta, ndaa pule ohoole, ihe ndi kale ndi hoole. Oshoka nge tatu gandja, otatu peua. Nge tatu kanica oomuenjo detu, otatu di mono. Nge tatu dimi po oondjo doojakueta, natse otatu diminua po. No ngele tatu si, otatu ka jumuka momuenjo guaaluhe.

(Meme Anna-Kaisa Ripatti te tu kundica noohapu tuu di.)

POSHITAFULA MOSHINJANGA SHEGONGALO.

Sho tua ciki poongamba domimvo omukulu nomu-
nupe, otse mboka tua tulua kejakulo ljegongalo lja Kristus otatu kamutumba ecimbo alihe piitafula jomiinjanga jetu, otu nuupjakadi okujalula oondjalulo detu opo tu ka tumine aakuluntu jetu omijalu diilonga nodiilongua jetu. Mokutala omuaalu guaa-kuanegongalo jomuusita uetu otatu mono ojamue jomujo ja hulica oondjenda dauo muujuni muka. Mokudiladila aahulici joondjenda aasi jetu omadiladilo getu tage ja tala uo moongundu mbali: Oku na mboka tatu ja tala meitaalo oja kondo ongamba jeso ja ji muukualuhe uelago, manga oojakuauo tatu njengua okutokola ecikilo ljauro omolu okukala kuauo muujuni kua kala kua tsondumbo nomuhona guegulu no-guevi omutopoli guomuenjo nogueso. Ihe nampaka uo tatu inekele uudiginini uOmukulili u vule eiteko ljaantu. Tatekulu Luther ota ti: okucika melago otapu monika oshikumica shika: Nima ngoka nda li ndi shi ota ciki megulu ina cika mo na Nima nguka nda li ndi shi ita ciki mo okua ciki mo.

Omukriste guandje, numvo oto ende nondjila jini nosho to ka mana oondjenda doje, aadiladili joje otaa ti oua ji peni muukuaaluhe?

R. Uushona.

INO SHEKA

edimopo lomatiimba nelidilululo lomuntu ou a hala okumona oshilongo sheulu. Okuhandukilua ku Kalunga oku fike peni? Oihuna shili okuuila meke la Kalunga omunamuenjo. Heb. 10: 27.

Ame ou nda kuatua koluhodi shili moluovantu tava sheke elimatulo lomatiimba. Omukueta, ngenge u na omatiimba, mealu ito i mo. Ehol. 21:27.

Gottlieb Haluodi, Ohalushu.

ETONATO.

Otua tameke oshivike shOmbimbeli mOnii-muandi eti 3 Augustus 1952. Omasiku ga landula, onda tsakanene Jesus Kristus. Okukala kuandje okua li po ku udilila uuinaji auke. Onda li po onkolui nomufundja, omukotokeli, omunandjahi nomuholi guihulo. Ihe sho nda tsakanene Jesus, iihuna ajike ja li po. Oonkondo dandje adihe da li da cindua pahi, kanda li tandi vulu okuikuaca ngaje muene necimbo ndika lja fa lja li po lja hugunina ljandje.

Onda li nda pumbua etonato, onke nda kokajele pomushigakano gua Jesus, ndi ihata pekota lja-guo, mpoka onda ditulula ompunda joondjo dandje. Esiku ndjoka nda hololelua oondjo dandje adihe okuza kuunona uandje sigo omuugundjuka uandje. Omua Jesus sho a mono ngeji ompito okujoga po oondjo dandje, opo mpoka nda mono ombili jomu je. Otandi hambelele Omua molu onkondo dombinzi je ondjapuki doka da vulu okujoga po omajonagulo gandje agehe nosho ngeji nda mangululua moonkandja da satana. Omukueta, taamba Jesus omuhupici guoje.
A. Sh. Utoni.

SHA LONGUA, SHO SHA PUA!


Sha longua sho sha pua!
Onakuhepekua
Onzigona ondjapuki
ku Golgata a si.

Sha longua, sho sha pua!
Onakunjatekua
Kuulande no kiihelele
ndi ilongele ndi se.

Sha longua, sho sha pua!
Onakuhumbata
omutenge ngu guomupukile
a mangulula ndje.


Sha longua sho sha pua!
KOnakuhepekua,
kOmukulili a sile ndje,
ondi isizimike.

Mel. Aanskou, o siel, die kruis.
(Die Halleluja. 83)



SHITARARA.

1. Mokuti mui mua li mu nomukunda guaapagani Majenzere. Omuene guomukunda Mundjandjaro okua li e nokamati edina ljako Shitarara. Esiku limue sho kua li ta lica iimuna jahe, aamati oojakuauo je mu hokololele iikumica. Amatui, omumati guopuushiinda, a galuka ku li naua aniuu. Shitarara ta dimbulukua naua esiku ndjoka Amatui a lala ini injenga nando, a fa a sa. Aakuauo je, aakriste jaali, sho je ja oku mu talela po, oje mu fala kongulu jaavu. Tango oje mu tula kontala no je mu humbata ngaka. No ngashingeji a galuka ondjolele. Aniuu a hungua naua kaapangi mbeja, ihe omualudi gue omukeeluetike aniuu. Shoka sha kumica Shitarara.



2. Esiku lja nofu okua ka talela po Amatui pamue naamati oojakuauo. Amatui okue ja imbile omaimbilo omauanaua ga njanjuda aamati. Okua hokolola uo omualudi gue edina lje Jesus. Kegumbo Shitarara okue shi hokololele jina Kapango. Ihe omusamane Mundjandjaro sho kue shi uvu, okua gee no-

kua indike Shitarara kaa ka pulakene Amatui ue. Ihe Shitarara kua li a hokua unene omaimbilo. A hala uo okuuva natango tuu omualudi ngu omunene nkene kua tja. Sho kua kundana, Amatui ta diginine okulonga aamati taa ja kuje, okua ji ko uo. Amatui okua ti, Jesus to vulu oku mu galikana nando ito mu mono ko.



3. Shitarara sho kue ja kegumbo, a geelua komusamane he Mundjandjaro: „Kaana ngoje, iho vulika!“ Oje nokue mu denge unene. Ihe natango tuu Shitarara ina uapa okueca Amatui nelongo ndjo. Okui imonene ngaaka omadengo, sigo uumbanda ue mu kelele okuja kegumbo. Okua ji ontuku, ina tseja mpoka tu uka. Uusiku sho ue ja, a adika a ciki kokuma ku li ouala nokui ilangeke komuidi a lal ko. Ongula sho kua shi, a penducua kekudilo lja sha. Okua jeluca omutse gue a mone shoka shi li ko.



4. Miihua mui injenge sha. Shitarara okua heda ko nokua dimbulula uunimegona uujaali tau dana. Sho ku li po ta tala uudano uauo, okua dimbulula onime jojene ojo ndjo taji ja, ja geja. (Taku tsikilua.)

OMULESHI

Omukuetu guoje te ku popica ta ti: Onda nik'o-luhodi shili, sho nda piica po oomuedi mbaali ngaj' inaandi hol'ka kungoje. Ihe tala kuume, ilonga jomoshinjan'angido oja tokelua omolu oshiponga shijaka shokOniipa sha li sha popiua moshifo sha Desember. Ihe nga shingeji onde ja po! Tango ua peua oshifo sha Januarie no sha Februarie oshita shi nomapandja 12. Ngashingeji onde ja po isheue ndi nomapandja 12. Ano omapandja ogi indjipala, nando uunene uepandja ua shonopala kashona. Ondi li po nda hala okuholoka komeho kehe tuu omuedi, esiku eti 15 ndi kale miikaha ja mboka je li popepi nOniipa, Omuntu kehe nda hala oku mu etela sha. Tala u tale, naanona nokuli ja peua okako'olo kauo taka diginua nokomeho uo. Ongoje ngele ua adika ino mona Ondjalulamasiku, o'hoka da pu po nale, oto ke ji ada mungame. Moshifo kehe mu non'jalula jomuedi tagu ja. Ano nomapandja 8 tandi ja kungoje momuedi kehe, ngele to ica ia ndje. Oto hiji mlje, ndi shi

Kuume koje,
Omukuetu

ENDELELA ANO

okuikongela Omukuetu nEhangeno. Otaji tandua ngaaka: kOuambo: Omukuetu 2/-. Ehangeno 1/-. KUushimba: Cmukuetu 2/6. Ehangeno 1/6.

AAMATI JOKUUSHIMBA!

Ngele tamu tu njolele omumati omuuambo a adika ko sha mevi ljuund'endi, tumbuleni uo edina lje negongalo ljaandjauo ljokOuambo, ngele olja tsejka. Uunene ngele mua hokolola omuuambo a sa neng tumbuleni uo edina lja nguka a sa. Ookuume naakuu oja hala okuuva ngoka a sa. ogua peni, no guomepangalo lini.

DOMBIRIVE

Ku Tsumeb kua ni omuuambo ombadilila nojendi je tu njolele. nkene oja kuatua kehaluko shili. Eeno otse atuhe ondjendi kombanda jevi, egumbo ljetu omegulu li li.

Abnriel Haluendo Orangemund kua mon'ilia Jerusalemi oshipe mondjodi luali nokuli, nokua kuatua koluhodi tu adike tui ilongelida, nge tashi kulukile kombanda jevi, Uunene omolu aambuja inu avilulu evangeli.

Stetanus Nekauja Otavi ota njola: Ondi noluhodi line ne komuenjo esli nda tala eedi da Tare di he na omufira, Hono inamu tu dimbua momalikano.

Festus Elias ta hokolola, nkene mu Kaapstad mua kada shigodi. Aamati omuuambo oja kondjo naikosi nenge naambongolo. Omumati gumue omuuambo a nukilua tango kaambongolo oje Martin. Simon ta tondoka e ke mu kuare. Kalunga e ja gumene inapa sa omuntu, nando jamue ja tsuua noombebe noja talu koshipangalo. Inamu ota onj ma peni ji pangele Gal. 5:13-19.

Abraham Simon ta tetu dimbuluca nkene mboka ja vatekela hoo tangele muvulua uauo. Oojakuetu, tu hokololoni muvakele netu sho tua valululua kOmukulili guetu.

B. J. A. Mukuamangeni Kaapstad te tu lombuele ta ti Omanjolo omembo na ninge ongudu jange, omambilo ependulo le murima umue, nekumaido leitavelo, ngenge nli hangaka kounkundi.

N. P. Kapunda Walerishaar u mono oshilumbu a kolua no- ni ljarua keshina nokua si likoloni oji noshiponga shili ku keshina e li muuphi uuo.

H. S. Leonard Tsumeb okua mono uo iponga jomikolice, nke ota ti: Omukriste ove, lungama shili, ope noshiponga mokari ketu, osho oikolifa.

Simon MuatiTifange Oniipa oku nekundo: Tu kondjeni ekondjola liua mOmuene uetu Jesus Kristus. Oje tuu a tja komushiakano, ope tu fike ko kondjabi jefindano.

Albin A bed Orangemund oku uvu nkene aamati jamue taji ipopile taa ti: Katu na ongerki muka, ongerki jeta ji li kOuambo. Ihe eso itali tegelele omuntu arike kOuambo. U nokukonga Kalunga m nga oje ota monika.

Albin Otto Swakopmund ta hokolola omumati omuuambo nkene a li a hala okushuna koshilongo, ihe mokulonda keshina a guile ko, a ljarua keshina no a si. Tu eeeni shili likolice, oshoka ojo omuigo gomurondi. Ihe Omuuu Jesus ita njanjukilua eso ljomulunde. Oje a hala omulunde a kale ti itedulula.

Abraham Jakob Okalongo ota hokolola nke a lie nuupenda okuhokolola Omukulili manga oje okamutona, ihe nkene oku idimbulula a suenje, sho a koko. Satan e mu jugu uupenda, ihe oje ota ti: Inatu kuatueni kounje, ndele u kondjita u finde. Ou ta indile, ota peua. Fimbo tu li mounjasha, inatu lolokeni.

Onesimus Akaua Luderitsbaai ota hokolola, nkene uusi-ku oha hololelua kuujelele uOmuua tau mu mimikile. Oje oku uvite Omuaa a hala, naje uo a kale omuhokololi gue mokati kaantu.

Esiku ljepangulo. Omumati gumue ota hokolola isheue: Onda mono mondjodi kegulu kua ruka oodila da fa daatiligane, ota li odindji unene nendundumo ljado lja li enenenene. Da zi kuuninginno du uka kuuzilo. Pombanda nda mono omushigakano gua jela, no kuumbangalantu oongendjo mbali oonene, nomankuma ge li pudo. Uujelele ua mimikile evi althe.

Onda tala nokutililila nondi ihata pevi e te galikana, te ti: Otandi ku galikana Kalunga ka Jakob u tonde uulunde. Ongame omulunde, no nda putuka muulunde. Oho gee mboka taa jono upango joje. Ino geela ndje. Ongame nda mono esiku tue li lombuelua nale kOmuua, sho ta ti, ugama ajihe jevi otaji kala nokulilagani ouali. Osho na ngame ndi li mpaka koompadi doje, no tandi ti: Sila ndje ohenda, uva ndje, Omuaa. Ongame nda adika kesiku ljepe nulo muulunde uandje no kandi na ue sho te ti. Otse tua peua nale eimbo ljokulongela Omuaa, ihe otse otue mu iteka po. Otua eca esilohenda nombili, no rua londula eso nekano, tua ningina muule ueso. Onke ano Omuaa joolola ndje mesiku ndika, u ninge ndje guojelele, ndi kale pu ngoje, nli ku longele muujuki no muujapuki. Esindano nohoole ojoje.

Sho nda penduka po, onda cikama mbala, nondi njanjukua enjanju enene, no nda mono ko ukogo ujelele taji zi kuuzilo ju uka kuuninginno, no ndu uvu meni ljandje mua ti: Shi lombuela inutu.

Johannes Sakaria Tsumeb ote tu di mbuluta, osheshi vahapu ve li po ovakriste ngenge ve li movakriste ndelene ngenge ro vo hanga movapami ovo ovapami. Diladila fimbii, oje oha huauka. Osho oukriste hau shittuka ngashi fimbii ke ukriste.

A. L. Namueja Grootfontein ota ti: Ou u hole oonjuni nounjuni ju oje ku hala. Ou u hole okunua oikolifa, oikolifa ota ku pilukile jo ji ku nue, naau u hole oluhondelo naluo ju olue ku hila.

Ruben Mukankerie Upington ote tu kumagida tu digimne shili medina lja Jesus okuenda nondjila jokegulu.

Tertulianus David Tsumeb ote tu kumaidi ngaha: Tu efeni oukriste uomovakuetu, oukriste uomovafitaongalo, ile uomovakuluntu veongalo, ndelene tu limangelekeni mu Jesus Kristus auke.

Tiitus Ntoni Omaruru oku noluhodi omolu agundjuka je li po ja ningi apika juuhalu uonjama, note ja londoda ngeji: Kotokeni okano oli li popepi.

Eliakim David Swakopmund oku nelakatali ti: Evi olju nda esilohenda ljoje, Omuaa longu ndje omikalo doje.

Johannes A. Shomongula Swakopmund ote tu dimbulukifa, osesi vahapu ve limangeleka momalikano, vo va dimbua Kalunga. Mounkundi ua tja ngahi tua uana sili tu indile eenkono kOmuene, ope tu kale tua pama meitavelo, osesi Omuene esi te uja, ote uja nondiambi ja kese.

J. S. P. Orangemund ote mu kundile po amuhe mboka mu noshimpuju noomuengo deni.

Erastus Shikonda Ondobejeno ota ti: Oshike haru tondokele kUushimba tse ihaatu tondoke ku Kalunga?

Silas Mureshikalela Orangemund e tu kumagida ngeji: Opu nuudjio okuja moshilongo sha Kalunga, oshoka otua hokua uutoje u'uujuni mbuka.

Haishi A. Namola Tsumeb oku nenjanju oshoka 2 November 1952 megongalo homu Tsumeb mua shashu ulu- mentu 39.